

已4
86431

聖濟總錄

吳錫璜署

大德重校聖濟總錄卷第一百三十二

瘡腫門

諸瘡

論曰諸瘡皆緣風熱濕毒之氣種類甚多載之方書備矣然有俗名瘡方論未見收錄考之皆不離於邪氣逆肉理害肌膚者今各隨其證以治法附之雖田野下俚取而用之判然可曉不必泥於沿襲也

治一切風刺面上生無名瘡癰因飲酒食炙博物得之劉混康先生當歸丸方

當歸兩

青鹽兩

右二味先以水洗當歸乘潤用青鹽糝徧閣在高處三日取下去鹽以當歸暴乾為末滴水丸如菉豆大每服二十九丸空心溫酒下

治面露瘡作膿窠如香瓣柳絮散方

柳絮搗

膩粉

右二味等分研勻燈盞中油調塗之

治大人小兒頭面上無名瘡黃水不止露蜂房散方

露蜂房

蛇蛻各壹

右二味同於碗內燒過為灰每看瘡口大小用膩粉少許和勻生油調雞翎掃之

治髭須瘡有膿窠金粉餅方

鬱金

萊豆粉各半 白欬壹

右三味搗羅為末用朴消水和作餅貼之

治肺風上攻眉額生瘡苦參散方

苦參

藍葉陰乾

威靈仙土法

蔓荊實皮法

何首烏

荊芥穗

胡麻子

烏藥剉

天麻

右九味等分搗羅為散每服二錢匕食後溫酒調下日三夜二

治大人小兒蝕透顙頰初生如米豆名金顙瘡二金散方

鬱金

雞內金臆肚內黃皮焙

右二味等分搗羅為散先用鹽漿盥漱了貼之忌米食

治鬚毛瘡在頭中初生如葡萄痛不止黃香餅方

黃蘗壹兩

鬱金半兩

乳香壹分

右三味搗研為末用槐花水調作餅於瘡口貼之

治髮際瘡初生如黃米大或痒或痛龍骨散方

龍骨

烏賊魚骨

去甲胡粉各半

鉛丹

壹錢炒紫色

右四味研細先用鹽湯洗了貼之日三五上

治咽漏瘡初生結喉上如癰腫破後有眼子雄黃散方

雄黃

蜜陀僧

各壹錢膩粉參錢

麝香

壹字

右四味研細如未破用白梅湯調塗已破挹去膿汁乾貼

治緣脣瘡海帶散方

海帶

不拘多少

右一味為散臨卧貼一兩宿差

治徹耳瘡井苔散方

井中苔

土馬

駿各半兩

右二味搗羅為散燈盞中油調塗之

治緊脣面腫馬莧塗方

馬齒莧

不拘多少

右一味搗汁塗之冬用乾末水調塗

治鼻疳瘡侵蝕鼻柱麝香散方

麝香

草烏頭燒灰

右二味等分研細貼之

治睛漏瘡目大皆出膿汁有孔子白龍散方

龍腦

馬牙消銘半 萊豆粉錢

右三味同研極細用燈心蘸藥點之日四五上

治頤頰瘡一名獨骨瘡百合散方

百合

黃蘗各壹兩

白及壹分

蓖麻子人伍拾粒 研

右四味搗研為散用朴消水和作餅貼之日三五上

治玉枕瘡生枕骨上如癰破後如筋頭石韋散方

石韋

原蠶蛾炒

右二味等分搗羅為散乾貼取差

治腮頰腫痛或破成瘡芙蓉傳方

芙蓉葉

不拘多少

右一味爛搗傳之以帛繫定日一換

治粉鈴瘡繞項赤爛多汁紅粉散方

蜜陀僧

煨

龍骨

各半

胡粉

錢

鉛丹

壹錢炒

右四味研細挹去膿汁用生油調塗日三夜一

治天柱瘡生脊大傾上如錢大赤色出黃汁不止敗蹄散方

驢蹄

削截拾片燒灰

胡粉

壹分

麝香

少許

右三味合研未破以醋煮麪糊和成膏塗入已破乾糝

治吹乳葡萄酒方

葡萄

壹枚

右一味於燈焰上燎過研細熱酒調服

治吹乳鯪鯉甲散方

鯪鯉甲

壹兩炙黃又各穿山甲

自然銅

肆錢用木通壹兩

右三味擣羅為散溫酒下一錢匕不拘時

治乳頭烈方

丁子香

不以多

右一味擣為末傳之立愈

治乳癰方

赤小豆末

蛇脫皮

燒作灰

右二味以雞子白和之傅上少乾即易

治諸惡瘡疼痛不可忍上諸藥不効者宜塗黃蘗散方

黃蘗

壹分微炒

蜜陀僧

壹分

膩粉

半兩

麝香

壹錢細研

白狗糞

半兩燒灰

騏驎竭

錢壹分

黃丹

壹分炒令紫色

右七味擣羅為細散都研令勻先用甘草湯洗瘡口後用津唾調塗之

又方

熊脂

不以多少

右一味細研塗之良

治乳汁不時洩蓄積於內遂成癰名妬乳漏蘆散方

漏蘆

壹兩

朱粉

半兩

黃芩

壹兩去黑心

右三味搗為細散水調如膏塗於乳上

治吹乳癰腫疼痛寒熱發歇晝夜不可忍蛇脫皮散方

蛇脫皮

燒灰

麝香

錢壹分

右二味研令勻細每服一錢熱酒調下併三服不計時候
治婦人乳癰汁不出蓄積內結成膿腫名妬乳方

露蜂房不以多少燒為灰

右一味研細每服二錢匕水一中盞煎至六分去滓溫服

治婦人吹乳獨勝散方

白丁香兩半

右一味擣羅為細散每服一錢匕溫酒調下不計時候

治乳癰黃連散方

黃連壹分去須 大黃壹分剉炒 鼠糞末錄

右三味擣羅為細散煮黍米粥飲調和如膏於乳四邊傳之

治瘡欲似蜂窠差而還發方

胡粉 朱砂各等分

右二味細研為末以蜜和合塗於瘡上日三換之即愈

諸惡瘡

論曰內經云諸瘡瘍皆屬心諸濕腫皆屬脾蓋心主血脾主肉也由體虛受於

風濕邪毒與氣血相搏故發瘡也甚者焮腫滿痛潰而多汁或形體為之壯熱稽緩不治則毒氣內攻固不可以常法治之

治一切惡瘡久不差者麝香散方

麝香當門子 貳箇

丁香

木香

紫檀香銘壹乳香

沒藥各半 兩

右六味搗研為散用雞子清和入殼內飯上蒸熟暴乾再研分作六服每用蠟茶清調下

治惡瘡皂莢刺散方

皂莢刺壹兩

乳香壹分

右二味搗研為散每服二錢匕以酒一盞煎一二沸服熱酒調下亦得治遠年惡瘡乳香散方

乳香

膩粉銘半

麝香壹字

龍骨

大黃剉

黃藥

去麤皮 各參錢

右六味搗研為散先用苦竹瀝洗瘡次搽藥貼之

治諸惡瘡多出膿水不乾者龍葵散方

龍葵

俗名天茄子

景天

俗名慎大草

黃連

法

天靈蓋

各壹

龍骨

乳香

木鼈子

黃蜀葵花

略半

右八味搗研為散看瘡大小入膩粉少許蜜調攤紙上貼之

治無名惡毒瘡似魚眼者獺骨散方

獺骨

生研末壹兩

麝香

字壹

右二味細研和勻用津唾調貼之

治惡瘡生好肉去膿水風毒氣腫烏蛇膏方

烏蛇

去皮骨炙去末壹兩

麻油

壹斤

鉛丹

貳兩

鼠壹箇

臘月者尤佳

蠟

肆兩

右五味先用油煎氣令消去滓次用鉛丹并烏蛇末微火煎沸後下蠟更煎

十沸膏成以瓷器收每用封瘡日一易

治一切惡瘡金藥散方

黃藥

去麤皮

黃連

法

白及

五倍子

略壹

膩粉

貳錢

麝香

半字

右六味搗研為散冷水調傅瘡上紙花子貼之

治一切惡瘡蜜陀僧散方

蜜陀僧

穀精草燒雄黃半兩

右三味搗研為散每用少許乾糝瘡上

治惡瘡烏頭散方

烏頭

壹枚炮裂去

膩粉壹錢

右二味研勻先用白湯洗瘡數徧用鹽湯洗數徧後以唾調藥成膏傳瘡口

治惡瘡久不差者檳榔黃葵散方

檳榔

壹箇生者

木香

黃蜀葵花

黃連銹

右四味將檳榔秤見分兩餘藥與檳榔等分搗羅為細散先以溫漿水洗瘡

淨者大小入膩粉少許蜜調塗於故帛上傳之二三日易之

治久患惡瘡不可者牛角散方

黃牛角

壹分燒灰麋角屑

白飲壹分

麝香細研

蜜陀僧

半兩

黃丹

半兩

蜚螋

壹分

羌活

壹兩

海桐皮

壹兩

仙靈脾

壹兩

乾地龍

壹兩

右一十味搗羅為細散每服二錢匕溫酒調下空心食前服

治惡瘡人不識多年不可者赤小豆散方

赤小豆

熟炒

糯米

炒

吳茱萸

熟炒

黃連

去

黃蘗

剉

乾薑

蛇床子

各

右七味搗羅為細散以生油和如面脂先煎槐枝湯洗瘡令淨然後塗藥日

再換之

治惡瘡粉香散方

膩粉

貳錢

乳香

壹錢

葱

壹根煨熟

右三味同研如膏攤在帛上貼瘡三日一換

治惡瘡金黃散方

黃蘗

壹兩

蜜

貳兩將蜜塗黃藥炙蜜盡為度

右二味搗羅為散入麝香半字同研勻細乾糝瘡上

治諸般惡瘡通聖散方

穀精草

炒

天南星

炮

貫衆

炒

黃蘗

各壹分

麝香

錢

右五味搗研為散用少許乾糝瘡上

治惡瘡久不効寸金散方

雞子殼

拾箇生却子者

檳榔

壹枚

麝香

研

膩粉

各半錢

黃蘗

去麤皮

蜜陀僧

錢壹

右六味搗研為散用溫鹽漿水洗瘡乾貼

治一切惡瘡熊膽膏方

熊膽

研壹錢

膩粉

半

雄黃

研

麝香

研各半錢

檳榔

末壹字

右五味研勻於臘日用豬膽一箇取汁和藥却入藥在膽內用綿繩擊定揉勻以松明黑焰熏令徧黑掛於陰處如惡瘡有指面大者用黍米許貼之如錢大者用菉豆許貼之恐藥乾難貼薄以津唾調如稀糊塗之仍用薄樺皮蓋貼以帛子繫之藥不宜多用

治一切惡瘡疼痛不可忍楓香散方

楓香脂

紙襖於地上食頃令脆研

膩粉

各壹

右二味同研勻細每先含漿水令暖吐出洗瘡淨後以藥末乾傅之以差為

度

治一切無名惡瘡硫黃膏方

硫黃

膩粉

吳茱萸

湯洗焙乾炒各壹分

礬石

熱令枯

牡蠣散赤研各半兩

右五味細研入小油半兩黃蠟一兩同熬成膏趁瘡大小攤於紙上以火炙

鎔貼之

治一切不測惡瘡年深不愈大効血竭散方

血竭壹兩 鉛丹半兩炒

右二味搗研為散先用鹽湯洗瘡後貼之

治無名惡瘡年深不愈藥皮散方

黃蘗炙蜜 榆虫炙乾各壹錢 麝香少許

右三味搗研為細末以鹽漿水洗瘡後唾調藥紙花子貼之

治一切惡瘡二黃散方

大黃剉 黃連銹 山梔子人 連翹 白及

青黛各壹兩

右六味搗羅為散有膿乾貼無膿水調傅

又方

黃蘗去麤皮 鬱金 黃蜀葵花 白欬

右四味等分搗羅為散百合水調貼之

治諸惡瘡木香散方

木香

檳榔

黃連去須

右三味等分搗羅為散乾糝瘡上如瘡口乾即用生油調傳之

治諸惡瘡口不合牛齒散方

牛齒參兩

雞卵殼貳兩

右二味燒研為散入膩粉少許生油調塗之立愈

治惡瘡黃連散方

黃連去須

胡粉

黃蜀葵花銛等

右三味搗羅為散用龍腦麝香膩粉各少許研細拌勻先以鹽漿水帛子搵

乾糝之

治惡瘡瓜蒂散方

瓜蒂肆拾枚

黃連去須參兩

膩粉壹分

麝香壹錢

杏仁去皮去雙仁炒貳兩半

右五味搗為細末用膩粉麝香同調和令勻以津唾調塗在瘡上更用紙麩糊履在藥上貼三五日一度含鹽水洗過更貼是瘡只貼本丹子其餘自差

又方

硫黃

細研

晁黃

細研

麝香

細研

樓葱

壹斤和須葉細切煎乾以慢火炒令黃色

右四味細研為散先以熱鹽漿水洗瘡拭乾以生油調貼逐日換之

又方

鉛丹

壹兩半炒令紫

松脂

參

亂髮

壹分

緋帛灰

肆分細研麒麟竭

右五味先用油四兩於猛火上熬令烟出即下松脂鉛丹等煎令色黑下亂

髮緋帛灰麒麟竭末等攪令勻膏成塗故帛上貼日二易之

治毒惡瘡懷乾散方

蜜陀僧

壹

黃蘗

蜜炙

右二味懷中懷乾搗羅為散先用葱湯洗瘡候乾傅之

治積年惡瘡及透掌漏瘡外廉瘡金黃散方

大黃

炒

鬱金

炒

鯪鯉甲

炙

穀

刺草

獨角仙

皂莢抹上黑蟲

龍骨

山梔子

木鼈子

殼

黃蘗

去麤皮

烏賊魚骨

去甲

甘草

剉

鉛丹

白斂

不灰木

麒麟竭

研

黃芩

各半

膩粉

藜蘆

去苗各壹分

右一十八味搗研為散每看瘡大小糝之有膿水即用溫鹽漿水洗淨傳之透掌漏瘡以津調絀於瘡內不過三五上

治一切惡瘡疼痛久不差者白香散方

楓香脂

研

膩粉

防風

銘壹

右三味細研令勻先以含漿水令煖吐出洗瘡令淨後以藥末乾傳之疼痛立止貼至令差即易

治一切惡瘡及癰瘡等方

蛇牀子

末

硫黃

膩粉

銘等

右三味同研為散以生麻油調如糊以鹽湯淨洗瘡拭乾即先以口脂塗之然後傳藥不過三五度差

治一切惡瘡疼痛不可忍宜傳黃連散方

黃連

貳兩去須

檳榔

壹兩

母丁香

半兩

麝香

半錢細研

右四味搗羅為細散入麝香研令勻先用鹽漿水洗候乾以藥摻之

又方

枯樓

壹枚燒作灰